

書



東坡外制集目錄

上卷

傅堯俞吏部侍郎

趙瞻戶部侍郎

王克臣工部侍郎

李之紀廣西提刑

田待問淮南轉運判官

孫昌齡知福州

馬默司農少卿

兩浙運副許懋再任





蔡漢兩浙運判

范子淵知交州

崔氏特封永嘉郡君

皇叔皇兄追封

士濟西頭供奉官

童湜特叙內殿崇班

謝卿材福建轉運使

趙偁淮南轉運副使

呂溫卿李元輔除知州

士誨知河中府

鄧剛通判泗州

劉王楊王所乞推恩八人

張禧轉三官

鮮于侁太常少卿

范祖禹著作郎

孫覺給事中

皇伯祖克愉贈開府

蕃官兀泥生常等覃恩轉官

宗晟母孫氏封康國太夫人

劉瑄知恩州



皇叔收曹封廣平侯

李司供奉官

張汝賢發運副使

狄諮劉定在降一官

范子淵在降一官

劉錫永父元承事郎

叔顏男敢之三班借職

鮑耆年張岫除運判

李周太僕少卿

范純禮吏部郎中

余希旦知濰州

王哲知衛州

郭祥正覃恩轉承議郎

王崇拯遙郡刺史

謝皋三班借職

皇伯仲邨贈使相

士服右班殿直

克鞏遙郡防禦使

劉奭閣門祗候

王安石贈太傅



楊繪知徐州

陳薦贈光祿大夫

呂稷仲唐義問除提刑

沈叔通知海州

孫向保州通判

鄧關朝散郎

監色州黃乃金坑

荆王新婦王氏潭國夫人

劉庠贈太中大夫

李琮知吉州

高士良文思副使

皇叔叔遂追封河內侯

孝憲為孝治等遂州團練使

呂公著妻魚氏贈國夫人

仲選送郡防禦使

韓維妻張氏同安郡夫人

中卷

司馬光贈三代妻

張恕將作監丞

趙濟知解州

李承之知青州



韓維贈三代妻

趙濟落職管勾中岳廟

王彭等三人除知州

王子韶周尹除郎中

蔣之奇知澧州

皇佑祖宗勝贈北海郡王

劉有方昭宣使

宋滋右侍禁

鞠承之秦州通判

文及衛尉少卿

李杲卿等四人除漕

童珪父參承務郎致仕

單可度三班借職出職

智誠知宜州

張仲左班殿直

張誠一分司南京

陳洞知陝州

傅燮知鄭州

姚居簡轉三班借職

賈種民知軍呂升卿通判



張世矩再任鎮戎軍

劉誼知韶州

呂惠卿責授節度副使

許懋知福州

喬執中張安止除漕刑

宇文昌齡祝庶除郎官

侯利建等五人除漕刑

王續知太康縣

張宏紆尉丞韓敷立粹齊州

喬執中吏部郎

蘇子元權知新州

楊汲等三人落職除知州

趙嵩轉朝議大夫

趙思明知永靜軍

鮮于侁大理卿

吳處厚責種民除知軍

顧臨唐義問除漕使

張問秘書監

范子奇將作監

錢長卿等裁叔除郎官



林邵太僕丞何琬鴻臚丞  
文保雍將作監丞

李南公等四人除知州

高公繪公紀防禦使

李之純尸部侍郎

穆衍金部員外郎

孫路陝西運判

蘇頌刑部尚書

王公儀程高除夔漕

呂由度太常寺太祝

杜新鍾離景伯除少卿監

辛押陟羅歸德將軍

高子壽三班借職

李肩尚藥奉御

耿政東頭供奉官致仕

喬執中吏部郎中

下卷

李之純河北都運

呂大臨太學博士

羅適程之邵除赤縣



杜純刑部員外郎

劉霆之陳留縣

皇伯仲蟬贈東陽郡王

杜紘右司郎中

裴景等三人知州軍

楊晟該吳奉雲各轉一官

呂大忠發運副使

蔣之奇知廣州

吳安持劉瑾除知州

謝卿材陝西轉運使

李曼知果州

黎珣知南雄州

張赴丹任乾寧軍

皇伯仲嬰追封中國公

林邵開封府推官

鄧義叔王諤除郎官

王荀龍知棗州

黃憲章承事郎

劉摯兼侍讀

處士王臨試天學錄



皇叔克春追封濟陰侯

寇彥卿彥明左班殿直

張敦禮節度觀察留使

內人張氏特封典贊

故尚宮趙氏特贈郡君

馮宗道梁惟簡內侍押班

梁從吉入內內侍省副都知

劉有方內侍省右班副都知

崔思等三人知州軍

馬大正大理寺主簿

張之諫康誠除知州

梁濟請供備庫副使轉出

燕慈古知渝州

孫謩鮑朝賓宣義郎

王振大理少卿

李顯宣德郎

趙思明西上閣門副使

李承祐內殿崇班

蕭士元趙永寧知州軍

黃光瑞內殿崇班



文貽慶都官郎居中宗正簿

皇兄令史贈博平侯

高士永知文州

高士績士居左班殿百

梁惟簡皇城副使上

范百禄刑部侍郎

朱光庭王觀左右尚諫

鮮于洗梁燾左右諫議大夫

王巖叟侍御史

錢鏐給事中

明堂執政加恩

韓維 張璪 李清臣 安燾 范純仁

呂大防

韓忠孝黃履轉朝請郎

克愛仲號並遙郡團練使

王獻可洛苑使

陳次升淮南提刑

杜純大理少卿

郭駿開封府司錄參軍

林希中書舍人



東坡外制彙目錄

東坡外制彙錄上

給事中兼侍講傅堯俞可吏部侍郎

教士以德望進則風俗厚而朝廷尊以經術用則議  
論正而名器重此君子所以難合而朕亦難其人焉  
具官傅堯俞博學懿行久聞于時歷事四世挺然一  
節懷道不試十年于茲朕欲聞仁人之言置之講席  
非堯舜之道蓋未嘗言給事黃門未究其用往貳太  
宰益脩厥官董正治典以稱先帝復古之意可

太常少卿趙瞻可戶部侍郎

救理財正辭禁民為非曰義先王之論理財也必繼



之以正辭名正而言順則財可得而理民可得而正  
目頃功利之臣言政而不及化言利而不及義中外  
紛然朕益厭之具官趙瞻明於吏事輔以儒術忠義  
之節白首不衰爰自秩宗擢貳邦計將使四方之人  
知予以耆老舊德居此官者蓋有盡徹之意焉可

王克臣可工部侍郎依前龍圖閣直學士

敕朕承先帝之丕業居其宮室而服其器用常懼  
不稱而何敢有加焉惟是軍國之備凡仰于百工者  
乃以誘于冬官有事于斯當識朕意具官王克臣奮  
自儒術蔚為聞人歷帥諸藩嘗佐事典才有餘裕所

命爾以舊官仍兼內閣之重勉率厥職外以成爾  
結治之勞內以全予恭儉之志可

祥符知縣李之紀可廣西提刑

具官李之紀近自畿甸遠至海隅朕視其地如戶  
庭視其民如一家爾賦政赤縣而廉平之稱達于  
朕聽是用命爾按刑嶺表其一乃心毋或鄙夷其  
民如在朕側往惟欽哉

知楚州田待問可淮南轉運判官

教具官田待問朝廷取材必始於治民異時吏或不



更郡縣而任刺舉剛柔失中民以告病以爾端靜敏  
恪悃幅無華試于劇郡吏民宜之其即本道以究爾  
才往悉乃心毋使厥聲減於治郡可

兩浙轉運副使孫昌齡可秘閣校理知福州

敕具官孫昌齡爾奉使吳越而慮平之稱達于朕聽  
七閩之會其民智巧易以理服難以力勝今命爾為  
守惟寬而明民乃宜之朕方復文館之職以廣育才  
之路遂以命爾往惟欽哉可

知徐州馬默可司農少卿

敕具官馬默爾以博學強記宏毅有守剛而不死

明而不苛歷試中外謫然有聞朕方選擇循吏入  
為卿佐凡爾所能已試於外者其以告我而力行之  
往佐大農毋忽朕命

兩浙轉運副使許懋可令再任

敕具官許懋吳越之人洞澈久矣朕方蠲理煩碎以  
安養其衆非得循吏察視郡縣均通有無則民何  
賴焉以爾儒術精通吏事詳敏歷年于茲民便其  
政既信之俗必易為功庶無新故更代之勞而有上  
下相安之美勉脩前業無怠日新可

新淮南轉運判官蔡滕可兩浙運判首同前



敕具官蔡滕云云以爾名臣之子進以儒術歷佐漕  
府治辦有成東南富庶比於西蜀而機巧過之惟寬  
且靜則民不媮可

司農少卿范子淵可知兗州

敕具官范子淵朕於士大夫未嘗求備也將歷試以  
事而收其所長有司言汝治河無狀耗國勞民積歲  
而功不成朕惟水土之政與郡縣異其觀汝于牧民  
尚勉來效以蓋往愆可

故樞密副使包拯男太常寺太祝縉之妻壽安

縣君崔氏可特封永嘉郡君仍封表門閭

敕崔氏汝甲族之遺孤大臣之家婦夫亡子夭惻然  
無歸而能誓死不嫁撫養孤弱使我嘉祐名臣之後  
有立於世惟汝之功昔衛世子蚤死共姜自誓詩人  
歌之藍愈幼孤養於嫂鄭愈喪之暮若崔氏者可謂  
兼之矣其改賜湯沐表異其所居以風曉郡國使薄  
於孝悌者有所愧焉可

皇叔某贈婺州觀察使追封東陽侯

皇兄某贈蔡州觀察使追封汝南侯

敕生分竹符所以廣恩於宗室沒身郊社所以寵綏  
其子孫眷子盤石之宗夙被麟趾之化國有常典我其



敢忘其等生于高明克自抑畏恭儉寡過綽有士人  
之風忠孝著聞蓋服 祖宗之訓屬既尊于中外禮  
當極於哀榮命以廡車即封其地爰疏五等之貴以  
慰九原之思庶其有知服我休命

士齋可西頭供奉官

教具官士澹汝宗室子生于安逸而能誦習文法以  
求自試蓋亦有志於士者朕何愛一官不以成其志  
乎可

童混可持叙內殿崇政

教具官童混汝奉法不謹一廢歷年一而能祗是以蓋

前失既更大嘗稍復汝舊往服朕官益敬無怠可

謝卿材可直秘閣福建轉運使

教具官謝卿材先王設官制祿非特以勸功興事也  
將以觀士之所守而進退之惟憂身者為能愛民惟  
知義者為能知利以爾臨事有守信道不回治郡有  
方奉使不擾力行古人之事庶幾循吏之風釋此大  
邦付之一路仍進直於書府俾增重於使權無輕遠  
人謹視貪吏政成民悅朕不汝忘可

趙備可淮南轉運副使

教具官趙備汝昔為文登守而海隅之民至今稱之



推文登之政達之齊魯刑平賦簡所部以安今淮南  
之人困於征役而重以饑饉汝往按視如京東之政  
以寬吾憂可

呂溫卿知饒州李元輔知絳州

敕呂溫卿等監司郡縣其職不同其為養民一也夫  
安靜之吏悃悃無華日計不足歲計有餘今自部使  
者移治一郡其深念之服于朕訓以求終譽可

王誨知河中府

敕具官王誨汝以名臣子老於治郡所至安靜吏民  
宜之河東吾股肱郡方唐之盛世有賢心風流未遠

圖像具存勉思古人以紹前烈可

邵剛通判泗州

敕具官邵剛詩云淑問如皋陶在泮戲囚獄訟之事  
因濡者之所學也汝官于上庠既習其說矣其往試  
之可

荆王揚王所乞推恩八人

具官某等或以方伎世其學或以歲月積其勞給事  
王宮既勤且久增秩改授以旌其能往服休恩益敬  
無怠可

西頭供奉官張禧得三級轉三官



敕具官張禧疆場之政以首虜計功所從來尚矣爾  
既應格則賞隨之可

詳于佺可太常少卿

敕具官鮮于佺奉常之職非特以治郊廟之度服器  
之數而已國有大政事大議論必稽焉昔魯秉周  
禮齊不敢謀而晏子太師折衝於樽俎之間國之典  
常君臣之名分上下守之有死不易則國安而民服  
朕選建卿士付之禮樂意在於此非我老成之人學  
是以通古才足以御今智足以應變強足以守官深  
於經術達於人情其敦實之詩不云乎彼已之子邦

之司直往修厥官無斁朕命可

范祖禹可著作郎

敕具官范祖禹起居東觀著作皆史事也今左  
右史獨書已行之政有司之常事至於廊廟大議君  
臣相與之際所以興壞治忽之由一歸於東觀則著作  
之任顧不重歟非得直亮多聞古之所謂益友者奮  
筆於其間則善惡質亂後世無所考信汝旣任其  
事矣益進而專之朕苟有過猶當直書而况其餘乎  
往祗厥官無曠乃職可

孫覺可給事中



敕朕聞明主在上凡侍從皆得言若其不明雖其臺諫亦失職朕以冲眇丕承祖宗未堪多難之憂常恐不聞其過下至執藝猶當盡規豈必諫臣而後論事矧茲封駁之重任參黃散之間知無不言職固當尔具官孫覺行不違道言不違仁處以孝聞出以忠顯先帝所以遺朕天下謂之正人屢告嘉猷固非小補間自西省遷之東臺而覺方違陽城之直詞固懷蕭生之雅意重違其請閱月于茲卒採羣言以遂前命以爾抗章伏閭之志施於還詔批敕之間其一乃心以稱朕意

皇伯祖克愉可贈忠正軍節度使開府儀同三司

敕國家蒙累聖之餘澤眷宗室之多賢雖設官以董其私置傳以導其學而重以吏事責之懿親青矜而服簪纓白首以奉朝請雖有間平之盛德敬向之異材皆湮沒而無傳故嘆息之何及尚賴本支之茂蔚爲邦國之華不幸云亡惻然永悼具官克愉忠厚以爲質禮敬以自文持滿矜高蓋得諸侯之孝履信思順合於大有之賢小心自將沒齒無過方朕不言之際遽茲永逝之悲日月有時窈窕告具賁以



旌旄之寵仍兼將相之榮豈獨慰九泉之思亦將勸庶邦之義可

蕃官兀塗常等十二人覃恩轉官

敕具官某等錯居吾圉世濟其忠矧茲臨御之初豈有中外之異各從遷秩以廣異恩祗服寵靈益堅守禦可

高密郡王宗晟建安郡主宗綽所生母孫氏封

康國太夫人

教母以子貴春秋之義也朕方因親以教愛廣愛以及民封節婦之間以勸能賢賜高年之壽以助養老

而兄屬籍至近賢王篤生欲大慰於慈心宜特推於異數孫氏四德純備五福荐臻豈惟擢秀於閨門固已流芳於宮闈舉觴坐上有伯仁仲智之賢持節洛濱皆汝南琅琊之貴爰改封於樂土俾正位於小君服我休恩介爾眉壽可

客省副使劉瑄知恩州

敕軍國異容兵民異道治戎振旅以執鷩為上承流宣化以忠厚為先爾久練武經本由才選屢更煩使克有成勞試于一州祗服朕訓可

皇叔叔曹贈洛州防禦使封廣平侯



敕官至持節爵為通侯非我勳勞之臣則必親賢之屬豈云虛受維以飾終且官收曹生於高明力自脩飭克有常德以沒元身乃眷衡漳夙為重地爰假一麾之寵就分五等之封庶其有知服我休命可

左侍禁李司可供奉官

敕蠢爾裔夷馮嶠竊發不時討擊何以懲艾尔能奮命破走犬羊何受一官以勸吏士可

張汝賢可直龍圖閣發運副使

敕具官張汝賢朝廷於南方復置且都漕者所以均節

諸路之有無使歲課時入而已非以求贏也至俗吏為之則多收羨財以幸恩寵而民受其病以尔昔為御史號稱敢言奉使江表罪人斯得庶幾知義利之分者是以命爾寵之新職往惟欽哉

狄諮劉定各降一官

敕具官某等奉使一路以郵民奉法為先今乃不然煩酷之聲溢于朕聽公肆其下曲法受賕收取粟毫末與農圃爭利使民無所致其忿至欲賊殺官吏朕以更赦置之開局而公議未厭其前一官往思厥愆服我寬政可



范子淵知峽州

敕具官范子淵汝以有限之財興必不可成之役驅無辜之民置之必死之地橫費之財猶可以力補而既死之民不可以復生此議者所以不汝置而朕亦不  
得以赦原也夷陵雖小尚有民社朕有愧於民而於汝則厚矣可

宣德郎劉錫永父元年一百四歲可承事郎

敕劉元年尚齒教民三代之義咨爾百年之故老乃吾六世之遺民自非吉人莫享上壽張蒼事秦柱下而至漢孝景思邈生隋開皇而及唐永淳古有其人

乃今親見何受一命慰其子孫可

叔頗勇岐之可三班借職

教岐之汝父無祿早世緣母之請以獲一官其思所以克家事母者惟敬母息可

鮑耆年京東運判張岫京西運判

敕具官其等朕惟百姓之命寄於郡縣而守令之賢不能人知其實獨賴部使者為朕耳目而已爾長一郡以才良聞進之潛屬以覈其用其使上無惰吏下無冤民以稱朕意可

李周太僕少卿



敕具官李周僕臣正朕后克正見於周書思無邪思  
焉斯極形於魯頌朕命此職亦難其人以爾秉心不  
回臨事有守通練世故灼知民情所以望爾者豈特  
車工馬政而已哉可

范純禮吏部郎中

敕具官范純禮嗚呼維乃顯考克明德秉哲以左右我  
三宗俾配德於堯舜天亦維相之使世有人以任我樞  
機將帥之事今汝獨在外計朕惟瑚璉不可以甄用  
驥駟不可以小試命以天官之屬其以進之益觀其  
能往欽哉可

余希旦知澠州

敕具官余希旦爾本以才選坐累失職亦云久矣肆  
余大嘗罔不更新北海名邦民朴而富往務忠厚  
以安其生可

王哲知衛州

敕具官王哲凡我四朝之舊皆經德秉哲篤老不衰  
者今幾人哉以爾好學守節名在循吏而久不治民  
朕甚惜之太行之麓民朴訟簡守以安靜莫如  
汝宜可

郭祥正軍因轉承議郎



救具官郭祥正朕丕承六朝陳錫四國軍及方外  
浹于有生周余通籍之臣可無增秩之寵祇設休命  
未肩一心可

王崇極可造郡刺史

敕具官王崇極刺史漢官秩六百石魏晉以來皆牧守  
之任今雖以爲勇爵然非親賢勳舊不在此選爾入  
直林宗省出分虎以付六民所宜選寄滋重有司言爾  
臣勞當遷以益脩厥官以旌名實可

潮州澄海縣丞班仲

敕謝皋汝自任長積勞累遷至一秩極矣今乃

以去惡之功獲補式

皇伯仲郃贈使相

惟廉與慎乃克有終可  
敕親親以藩王室賢賢以尊朝廷古之道也况於死  
生之際恩禮之重國有常典我其敢忘皇伯具官  
仲郃生於高明克自祇畏出就外傳聞好禮之稱退  
省其私有爲善之樂云以不淑罹此閔凶慰我永懷豈  
無異數衮衣赤舄寵均三事之臣玉節牙璋坐享專  
征之器豈六虛授維以飾終庶幾有知服我休命可

士暇右班殿直

汝宗室子始名而祿得之非艱守之惟艱祇服朕訓



乃克終譽可

克寧遷郡防禦使

朕於宗室無所愛也然猶不欲虛授以速人言得之  
惟艱乃罔後悔凡有進秩必付有司及其歲月察其  
行義則朕與汝皆無愧豈不休哉

劉奭閣門祗候

惟我神考篤二將帥生則厚其寵死則恤其孤將使  
識朝廷之儀習軍旅之事無忝厥祖以世其家成  
汝之志可謂至矣將何以報之可

王安石贈太傅

救朕式觀古初灼見天命將有非常之大事必生希  
世之異人使其名高一時學貫千載智足以達其道  
辯足以行其言現璋之文足以藻飾萬物卓絕  
之行足以風動四方用能於其有歲之間靡非然變天  
下之俗具官王安石少學孔子孟晚師瞿聃罔羅六  
藝之遺文斷以己意糠粃百家之陳迹作新斯人  
屬熙寧之有為冠群賢而首用信任之篤古今所無  
方需功業之成遽起山林之興浮雲何有脫屣如遺  
屣坐席於漁樵不亂群於麋鹿進退之美雍容  
可觀朕方臨御之初哀疲罔極乃眷三朝之老邈在大



江之南究觀規模想見風采豈謂告終之間在于諒  
闇之中胡不百年爲之一涕於戲死生用捨之際孰能違  
天贈賻哀榮之文豈不在我寵以帥臣之位爵爲儒  
者之光庶幾有知服我休命可

楊繪知徐州

救楊繪士有拙於謀身而巧於治民踈於防患而密  
於慮國其自爲計則過矣而朕何疾焉先帝龍興  
首擢用爾置之臺諫以直諒聞言雖無功效於今日  
簡易輕信失之匪久坐廢十年陶然自得詩人所  
謂豈弟君子者繪庶幾焉彭城大邦五股肱郡

政成民悅朕不汝忘可

陳薦贈光祿大夫

救昔我英祖博求天下之士以輔翼我神考于東宮二  
十餘年之間山陵既成人物改謝顧瞻在廷一二臣外固  
有存者朕惻然傷之永懷其人具官陳薦爲剛毅木訥  
器遠任重家勳左右以責難爲愛君周旋藩輔以卹  
民爲報國淪喪未幾風烈如在雖死者不可復作而  
追榮之典獨以寵綏其子孫且使朴忠守道之士  
知朕立心之所予者可

旨移仲京東提刑唐義問河西北西路提刑



敕先帝立法更制所以約束監司一令使不得營私而害民者可謂至矣朕始知罷賦泉之令復征徭之法凡先帝之約束當益申而嚴之使出力從政之民無所復病以爾穆仲等或端靜有守敏於為政或直亮多聞志於仕道而京東河朔皆天下重地也往脩厥官稱朕意焉可

沈叔通知海州

敕朕嗣位以來通商惠農施舍已言有不順成荒政畢舉而海濱之民羣聚剽掠此吏不稱職備災無素之過也今選命汝惟往安之一民是問有

以生矣其肯自棄於惡可

孫向保州通判

敕孫向一郡之寄在汝守貳察姦舉能既復其菴曰矣則達政之吏可以有為爾通練民事既試有勞其從所請以觀來效可

鄧關朝散郎 彌金珣

瘴霧之鄉上幣所出累年於此勤亦至矣法當遷秩以答久勞可

荆王新婦王氏潭國夫人

數易稱中饋為家人之正一詩美羔羊羔血鵲巢之功



致婦德有常合章不曜能使君子樂且有儀則內  
助之賢從可知矣王氏早服師傅習聞詩禮富貴而  
能恭儉俯仰極於孝慈公問藹然刑于宗族其改  
封大國家服是宜以稱我叔父之德爲內命婦之法  
豈不休哉可

劉庠贈大中大夫

救國以求賢爲事士以得時爲急士既難進而易  
退時亦難得而易失日月逝矣歲不我與古人之難  
復見于今具官劉庠才備德博器遠任重遠事三  
朝出入二紀英祖神考實知其人而剛毅朴忠卒不少  
虧

群朕嗣位曠咨故老如庠等輩不過數人方當召用命  
不少假使九原可作雖百身其何贖寵章異數資于其  
樞雖知無益以塞余哀可

李琮知吉州

敕李琮汝以久遠無根之賦使畏威懷賞之吏均之于  
無辜之民民以病告聞之惕然使吏覆視皆如所聞  
既正其事矣而汝猶自言若無罪然朕惟更赦不汝深  
咎遷于一州公深念之廬陵之富甲於江外使民安汝  
朕則汝安可

高士貞可文思副使



敕高士良汝閱習民兵技藝超等課以歲月於法  
當遷往服寵靈益思未效

皇叔叔遂可贈懷州防禦使追封河內侯  
敕生于富富貞而無驕逸之患終于祿位而有歸全  
之美始終之義有足賢者具官叔遂性於忠孝文  
以禮樂蓋家祖宗之澤而服師保之訓克有令問  
以沒元身且用爵之通侯官以待節上以博勸於  
宗室下以昭肥緜其子孫可

楊王丁孝騫等二人荆王子孝治等七人並  
逐州團練使

敕某等先皇帝篤兄弟之好以恩勝義不許一叔  
出居于外蓋武王待周召之意太皇太后嚴朝廷  
之禮以義制恩始從其請出就外宅得孔子遠其  
子之意二聖不同同歸于道可以爲萬世法朕奉  
侍兩宮按行新第顧瞻懷思潸然出涕昔漢明  
帝問東平王在家何等爲樂王言爲善最樂帝大  
其言因送列侯印十九枚諸子年五歲以上悉帶之著  
之簡策天下不以爲私今王諸子性于忠孝漸于禮義  
自勝衣以上頽然皆有成人之風朕甚嘉之其各進  
一官以助甘爲善之樂尚勉之哉母泰乃父祖以爲



邦家光可

呂公著自妻魯氏贈國夫人

救婦人之德如玉在淵雖不可見必形諸外視其夫有羔羊之直相其子有麟趾之仁則內德之茂從可知矣具官呂公著故妻魯氏名臣之子元老之婦所資者深故志存乎仁所見者大故動協于禮環佩穆然閨門化之而降年不永祿不配德其改封大國正位小君庶幾爲女史之光非獨慰其夫子而已可

仲暹可遙郡防禦使


救仲暹居公只賤而有聞易處富貴而無過難凡我宗室皆有位著雖不任以事無所施其才而刑于厥家有以攷其行日月其邁爵秩當遷朕不爾私服之無愧可

韓維妻張氏同安郡夫人

敕朕登進元臣專以德選退食委蛇省察其私有召南之風焉抑抑威儀惟德之隅非內有相貳何以及此具官韓維妻張氏生于冠族作配君子言有物則行應圖史宜疏湯沐之封以稱山河之象祇服明命佐我老臣俾無內顧之憂專任仰成之寄可

東坡外制集卷上





Handwritten text on the right edge of the page, likely a page number or title, written vertically in a traditional East Asian script.



書